

114 學年度中正高中台灣台語朗讀篇目(參考全國台語朗讀)

西北雨

彭孟紅

六月下晡兩點外，惡 khiak-khiak 的日頭共塗跤烘甲親像火鼎，樹葉仔曝甲焦潤潤，粟鳥仔覘佇大樹跤咧 nà-liàng。當當日頭公的跤步沓沓仔徙過西半片，厝前的稻埕有一个戴瓜笠仔的形影，褪赤跤行過一逝一逝的塗豆溝，彼就是阮慈愛的阿媽。

自細漢四常看著阿公、阿媽兩人一對手，毋驚日頭赤焯焯，誠骨力咧曝菜頭、高麗菜、花菜，上捷曝的是塗豆。講好天著愛積寡雨來糧，曝焦的菜乾會當囤較久，欲食就有。

從阿公去天頂做仙了後，賭阿媽家已咧巡頭看尾，伊逐工守佇稻埕無閒頓頓。阿爸、阿母負責田裡所有的收成，阿媽就共作物曝日的工課規个攔來做。阿媽講有代誌做，日子會較好過。

阮一陣囡仔兵，見若拄著歇暈日，毋免數想欲遐爾好食暈。序大人有交代，塗豆收成了後，隨就愛趕緊曝予焦，較袂生菇拍損去，所以見擺佇六月天的下晡時，阮定定著愛斟酌天氣的變化。阿媽恁阮坐踎簾簷跤的椅條，阮的古厝是向南的正身護龍，看南片天頂的烏雲若是真緊就欲徙過來的時，伊三步做兩步，隨共家私捎咧，猛跤猛手共曝佇稻埕的塗豆杯杯入去米袋仔內。

聽候共塗豆收清氣了後，現現天頂猶閣有日頭，煞綴咧摔大雨。阿媽講：「西北雨落袂過車路。若像這馬，那出日那落雨，這就是查某雨。」

就按呢阮規个歇熱，不時陪伴阿媽坐踎簾簷跤的椅條，那擘塗豆那食天然有機的四秀仔，有焿番麥、番薯、塗豆、豉瓜仔咩佻煎番薯餅，這攏是阿媽攢的好食物。上重要的是下晡時愛佻西北雨走相逐，實在是刺激閣有夠心適的！

時間親像透流的溪水，人咧講：「一晃過三冬，三晃一世人。」阿媽去天頂揣阿公嘛已經十外冬矣，簾簷跤寂寞的椅條無人通做伴。阮若轉去庄跤，雖罔無咧曝菜乾佻塗豆，有時嘛會坐踎稻埕邊彼欉大樹跤，擲頭若看著天頂的烏雲瀉過來，就親像聽著阿媽咧吩咐：「囡仔兵啊，西北雨連鞭欲抨落來，你咧曝的棉漬被愛收矣嘿！」